

四庫全書

集部

欽定四庫全書

集部

元詩選三集卷十二

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣馬啟泰

謄錄監生臣史芝

欽定四庫全書

元詩選三集卷十二

庶吉士顧嗣立編

貞期生張渥

渥字叔厚淮南人博學明經累舉不得志於有  
司遂放意為詩章自號貞期生又能用李龍眠  
法為白描前無古人雖時貴亦罕能得之與玉  
山主人友善即一時景繪為玉山雅集圖會稽  
楊廉夫為之序傳者無不歎美云

題所翁畫龍

我聞真龍神變化呼吸風雲齊上下胡為却向九淵潛  
領下驪珠光不夜一朝帝勅鞭雷霆秘怪恍惚無逃形  
蜿蜒千丈露頭角顛倒山嶽翻滄溟乾坤瀕洞日為黑  
元氣淋漓收不得願將點滴試天瓢草木晴光甦下國  
龍兮龍兮汝為龍攀之不見追無蹤何當飛空附其尾  
手接鴻蒙究元始

題昭君出塞圖

黃沙漫海燕雲高  
燕山雪凍春不毛  
層冰千里踏瓊瑤  
朝發陰山夕臨洮  
角弓羽箭花紋刀  
踴躍快馬騰飛猱  
玄旗樹日驚霜飈  
云是使者來漢朝  
漢宮佳人顏色嬌  
蛾眉顛頰髮無膏  
手揮琵琶響檀槽  
聲聲嗚咽寫鬱陶  
穹廬不暝鄉夢勞  
邊月長照非良宵  
天寒賜著灰色貂  
雙壺灑灑傾蒲桃  
金門玉殿心旌搖  
長安煙水空迢遙  
酒酣踏歌聲噉嘈  
自憐耳絕聞簫韶  
畫工受賂死莫逃  
筆底妍醜移分毫  
掖廷舊好恩不交  
杳如落葉辭故條

甘將女寵餌天驕，毋乃有愧霍嫖姚。  
廟堂老將蜀錦袍，玉帳坐爵麾赤旄。  
貪天之力功已邀，白狼朱鷺歌短簫。  
北風動地吹黃茅，獨留青塚狐狸號。  
流魂千載誰能招，嗚呼流魂千載誰能招。

題了堂上人鍊雪軒

雪消成水固非異，煮水作雪真為奇。  
吾師悟此煎茶法，掬泉敲火須臨時。  
手搏清風弄明月，幻作一同滋味別。  
試看椀面乳浮花，熱惱消除置冰鐵。  
君不見達摩面壁

雪山中至今直指傳宗風  
又不見玉川先生洛城裏  
軍將扣門日高起何似松風堂上人  
不譚九轉丹有神漱  
瓊噉玉詩清新鹽我肥水華津津

絳雪亭

谿上花無數春風別有天樓臺  
仙子宅書畫米家船絳  
雪迴歌扇紅霞落舞筵羽觴飛  
醉月應是酒如泉

題金碧仙山圖

丹崖翠壁五雲間  
此是蓬萊第一山  
笑指碧桃花發處

玉鸞曾載月中還

題明雪窗蘭

援琴誰歎生空谷  
結佩應憐感逐臣  
九畹斷魂招不得  
墨花夜泣楚江春

題畫扇便面

一作題蒨山題扇圖

一自蘭亭飛筆後  
昭陵風雨夜如何  
當年老媪能知此

扇出人間百

一作待

價過

題王元章梅



照水疎花冰有暈  
橫窗瘦影玉無痕  
孤山月冷黃昏後  
拄杖曾敲處士門

題趙翰林畫蘭

白鷗波點研池清  
楚畹香風筆底生  
記得弁峰春雨後  
撥雲移種向南榮

和西湖竹枝詞

長簪高髻畫雙鴉  
多在湖船少在家  
黃衣少年不相識  
白日敲門來索茶

西湖口占次玉山韻四首

清曉移舟及整晴  
水花明媚照娉婷  
銀箏玉柱纖纖手  
翻得新聲醉裏聽

水光承雨亂銀花  
柳外雙峯出碧了  
我便欲尋蓑笠去  
斷橋灣裏是漁家

淺絳籠紗白玉膚  
鬢雲雙暎映犀梳  
尊前自有丹青手  
描取崔徽入畫圖

舞衫歌袖奏紅紗  
一朵春紅帶晚霞  
盡日無人見纖手

小屏斜倚笑簪花

弋陽山樵李瓚

瓚字子粲一字子鬯姑蘇人幼從余元明遊多  
才能文自號弋陽山樵旁通浮屠并漆園氏學  
至正十一年冬嘗過玉山作分題序有云人生  
百年憂患之秋多燕樂之日少而况友朋南北  
東西迄無定居則今日之簪盍夫豈偶然哉讀  
此亦足見其曾襟之曠達矣

因顏陋隱寄上清外史薛玄卿

仙人薛外史高隱在幽閒碧雲上清鏡皓月瓊林壇博  
人坐虛空飛神修大丹彈琴松樹裏吹簫清夜間幾時  
訪仙館相與遊三山

春夜懷豫章倪中宣并太原王本中二子皆客京  
師故詩及之

耿耿春夜永迢迢更漏殘美人隔千里清月在江關舉  
杯不能樂援琴孰為歡悵望五雲外目送雙飛翰王子

經緯學納繹茫無端倪生富文史落筆回狂瀾古劍沒  
豐城大璞昧荆山竒材每不識萬古一長歎而我困畎  
畝漂流吳楚間釜魚獨恒飢衣鷄每懷單慷慨念二子  
頓年事征鞍庶幾抱琴志不愧齊門彈

江浦送別

協風吹冰泮水色茫微綠沙融文禽集波暎白鷗浴之  
子逝將別分手愁局促離觴一何頻征舸嗟去速今日  
江浦東明朝關山北棹歌不堪聞悽然淚盈掬

種葵

種葵南軒下葵長不盈尺  
芄芄初葉茂挺挺交柯直  
匪以花為美有取心向日  
孤忠類臣子恒性若有德  
只恐秋風至蘭蕙同蕭瑟  
雖然遇彫落凡草孰可匹

袁南宮江西歸吳門隱居短句奉寄

江國徂春暮蘭苕生蕙風佳人天之末  
高隱林泉中有懷不能伸  
愁思渺無窮朱弦發清響  
大呂振黃鐘依依閭門柳  
去去塞北鴻永言寄歌詩  
用以慰幽悰

玉山佳處以夜闌更秉燭相對如夢寐分韻得對  
字

日夕南窗雲水生東北滙開筵草堂接拄笏玉山對洞  
酌興未央清吟心每醉酒香鸚鵡滿琴韻鳳凰碎崔蔡  
有雄才鄒枚富佳製笑談可冥身出處當拔萃慨慷寧  
廢歌棲遲何足累天高星漢移夜久鴻雁逝投筆慚鬢  
絲長嘯風塵際

柳枝詞

吳江綠水生春明江上柳枝今漸青樓烏啞啞中夜鳴  
愁絕東風長短亭柳枝當戶森成束思婦正倚闌干曲  
別情有恨不可解萬里相思淚盈掬愁多不織流黃機  
織得回文更慳悽功名誤人不足恃藁砧藁砧何日歸

春草曲

春風百草生何許伊洛之洲澧之浦荃蘅蘭蕙與芳杜  
馨香采色絕無數鴝鳩先鳴衆芳舉萬綠如煙花欲語  
王孫遊子去湘楚蘼蕪鬪謝山之阻春草無情情獨苦



別離恨深迺終古春草生淚如雨

歸鴻曲

高秋鴻雁來仲春鴻雁歸關河道路遠沙場聲韻悲去  
年曾寄帛書去回文織就相思句藁砧遠在邊城戍高  
樓不見絕心緒愁多別久淚闌干何日歸來再合歡一  
聽歸鴻一生怨揚子江南春雨寒

關河柳

關河春初官柳青上有棲鳥啞啞鳴千樹萬樹恨如織

水遠山長無限情  
柳絲忽換黃金色  
當時憶送遊俠客  
去年驚心揚子南  
今年又恨沙場北  
關河柳管別離離  
人一去何時歸  
折枝千里寄相思

滄浪亭

蘇公昔在宋盛時  
文采才名動天地  
暮年築居向滄浪  
草聖相傳世尤貴  
積書為林墨為池  
長歌散髮鬢如絲  
風流百歲不泯滅  
及此士論無磷淄  
憶昔嘗為吳下客  
刺船攜酒訪陳迹  
却思重游不可得  
臨風悽然念疇昔

擊楫行

日華悠悠江色清碧波萬里生春明商婦琵琶別怨生  
擊楫渡江舟正行美人美人既無情澧蘭沅芷揚芳馨  
欲見不見心怵怵輕風吹羅裳擊楫且勿忙恐驚菰蒲  
中交頸雙鴛鴦莫學桃根與桃葉渡江一去音信絕江  
上春來復春去對此流光淚盈睫

再題漁莊

五湖之東煙水長高人於此構漁莊開軒垂釣吟麗藻

泛舸吹笛窺扶桑金尊滿注蒲萄酒醉看吳姬小垂手  
榮名耳熱何足誇幾見秋風落楊柳

春原

林樾風初協邙原泥正融香蕪連野碧冶杏過牆紅塞  
鴈歸天末巴鶯出谷中春光濃若酒歡賞興何窮

春初奉寄海虞山北聲九阜上人

杖錫虞山北春風憶舊遊翠厓雲每集丹壑水爭流染  
翰超懷素哦詩繼惠休何當上潮夜相與汎扁舟

遣興

遲遲當麗日冉冉及陽春  
草色連煙翠柳條垂麴塵  
哦詩紅杏館漉酒白綸巾  
欲寫江淹賦悽然寄遠人

春半

水國春將半叢篁暎白沙  
簷楹皆燕雀徑術接桑麻  
吟嘯分江色登臨愛日華  
何當學鄭子谷口問山家

遣興

客舍沙南蒲子堙流光愁思共微荒  
落林翠竹含溪影

小樹紅梅播野芳  
解樂師襄方入海  
乘舟張翰漫歸鄉  
不如却學南山牧  
叩角浩歌清夜長

柳花

澤國春餘江樹盡  
柳花無數沒鳧翁  
每當白日飛晴雪  
似與游絲逐惠風  
灞上啼鶯孤驛外  
隋堤歸馬夕陽中  
離人欲折還驚歎  
空對柔條恨不窮

懷玉山西墅

西墅幽期每自知  
晚來無物不宜詩  
白蘋點綴秋波遠

紅樹留連落照遲  
親老正當貧賤日  
身輕唯荷聖明時  
可能便把投竿手  
來問漁莊覓釣絲

牡丹一章奉寄玉山公子

巷南亭館春風樹  
魏紫姚黃取次開  
翠羽當窗林影麗  
紅雲繞坐國香來  
凝酥煥汎金壺釀  
羣玉晴籠錦帳埃  
洧外何能夸芍藥  
番禺自足媿玫瑰  
竟須高晏煩燕女  
左手持花右酒杯

玉山草堂

羨君家住玉山傍地勢江流接草堂書卷已傳秦伏勝  
釣竿還學漢嚴光溪毛秋冷珊瑚小野竹寒深翡翠長  
酌酒幾思援北斗濯纓還擬汎滄浪聖明此日興賢急  
才子那能滯遠方

玉山佳處

玉山亭子仙人築小似桃源隱者家天近方壺知劍氣  
水從清漢接星槎參差鳳吹空歌迴爛漫龍香醉墨斜  
金盃細傾新竹葉銀瓶還出小瓊華榮名何事頭如雪



亦欲羊裘釣白沙

莫春二絕句

水生澤國徂春莫倚杖汀洲立惠風千樹梅花紅雨落  
滿林竹筍綠陰濃

牡丹滿檻紅於錦柳絮隨風白勝絲何日扁舟釣湖上  
滄波深處一絲煙

漁莊欵歌二首

芙蓉開徧錦雲低夜飲漁莊月滿池按得新詞倚紅袖

桃花便面寫烏絲

纖纖新月上簾鉤  
楓葉蘆花隔水秋  
一曲清歌來送酒  
雙鬟小妓木蘭舟

硯北生陵友

友字友仁平江人父業賈友攻苦於學為鄰里所竊笑及長為詩有法度尤長於五言律嘗至上都奎章閣博士柯九思侍書學士虞集交薦於朝未及用而二公皆去職乃偕九思歸吳闕

斗室扁曰志雅齋自號硯北生著硯史墨史印  
史所為詩文有杞菊軒橐吳中雜志卒年四十  
八友仁博鑒古兼工隸楷凡三代而下鐘鼎銘  
刻法書名畫一入其目真贋立辨經其品題價  
增數倍云

石民瞻作縣彭澤集賢趙子昂畫馬贈別後為他  
人持去二十年復得之題詩以識之

初踏長安塵暮傾渭城酒風流趙集賢畫馬當折柳晚

池上洗馬歸園人控鞍不受羈此馬自是玉龍種想  
元明牕貌得時題詩人物不可作北鴈南雲總離索舊  
回首二十年今日重看宛如昨春盡江頭生綠波青  
一潘眼故人多惟有當時陶令在奈此蕭蕭白髮何

題宋江三十六人畫贊

憶昔熙寧全盛日百年曾未識干戈江南丞相變法度  
不恤人言新進多蔡家京下出門下首亂中原傾大厦  
江州盜起缺連北誰挽長江洗兵馬京東宋江三十六

白日橫行大河北官軍追捕不敢前懸賞招之使擒賊  
後來報國收戰功捷書夜奏甘泉宮楚龔如古在畫贊  
不敢區區逢聖公我嘗舟過梁山灤春水方生何渺漠  
或云此是碣石邨至今聞之猶褫魄

桂之樹

桂之樹褰我衣秋風昨夜起遊子送將歸明年春水盛  
鼓楫下江磯

送趙季文之湖州知事

共說佳公子翩翩清且賢  
傳家存舊笏載世有遺編  
漚鳥衝波去苔花帶雨牽  
糾曹官事少揮塵看山川

吳桓王墓

見一作說桓王墓名因父老傳如何漢社稷竟一作作

魏山川壤隧秋風入荒丘暮雨懸唯餘碑上一作字隱

隱赤烏年

送趙子期使交趾

萬里交州道還聞虎節馳  
天王頒正朔使者護蠻夷  
瘴

雨侵榕葉腥風度竹枝奉辭存大體定服遠人思

見說

幽并豪俠士新拜羽林郎夕按秦娥曲朝薰荀令香折  
花當閣道射柳傍宮牆見說紅城下今年春草長

送國王朶兒只就國

奕世名王策駿功遠分茅土鎮遼東玉符金印傳孫子  
鐵券丹書誓始終滄海斷霞通虎帳黑河飛雪暗瑯弓  
莫忘聖武艱難日四傑從容陟降同

次張貞居所賦雲林

松花新釀碧琳腴洗杓何妨起病夫  
茵閣下簾修隱訣  
雲林埽榻挂仙圖  
旋移竹近文書案  
自汲泉添刻漏壺  
聞說華陽多玉食  
洞中燕肉膩如酥

泊虎丘

晚泊虎丘山下邨  
小舟搖蕩一溪渾  
遊人車馬各已散  
宿鳥池臺故不喧  
初月出林光照地  
亂雲入寺影當門

缺



題米元暉畫山水

翳翳雲中樹，亭亭江上山。  
秋風生柁尾，蕩漾碧波間。

題倪幻霞良常草堂圖

家住華陽洞，長松映草堂。  
平生有高致，不似賀公狂。

贈諸葛子熙三首

聞道長安異，昔時秋風落日草。  
離離九成宮闕無尋處，  
空有人來拂斷碑。

百二山河路欲迷，荒林敗塚轉悽悽。  
夜深曾過昭陵下，

風雨猶疑石馬嘶

北堂萱草綠朶朶白髮慈顏不解憂盡賣刻辭供菽水  
誰憐跣足徧長洲

顧盟

盟字仲贅甬東人高才好學嘗館于杞菊軒詩  
見玉山雅集玉山主人編仲贅在張仲簡之後  
今坊刊選本有張簡而無顧盟想亦據玉山雅  
集錄入而抄本多脫簡遂將仲贅詩俱誤入仲

簡集中流傳舛謫已久不得不急為改正之

閱真誥

長史昔好道鍊真三秀峰夜感紫微仙降集華房中鸞  
鳥鳴素月翠旌颺琅風擣辭託諷寓讚揚皆真宗中有  
餐霞法可以回嬰童刻之白玉檢藏之華陽宮真人有  
仙氣乃得探其蹤我生慕玄素無由啟愚蒙嘯咏金玉  
章靈音朗九空懷仙起冥想颺然精靈通焉能出覓滓  
歛忽驟雲龍

送王子充歸金華

春入長洲苑東風已及時苑中垂楊樹吹作黃金絲送  
君出春城艤舟折柔枝以此聊贈遠相別仍相期君歸  
金華山當逢牧羊兒毋因入山去遂爾來遲遲楊柳飛  
花日待君同賦詩

次韻答強仲端

花落紅雲島風生白玉堤真人不出戶芳樹自成蹊掃  
地雨初歇卷簾鶯正啼此時不一見春思轉淒迷

賦翠微

倚山為宅似城闈耕鑿縣知可療貧政想綠陰當甕牖  
但愁翠雨濕綸巾投林鼠雀終無角出谷峰巒半似人  
濁世無憂惟隱者願分藜藿老天民

送樊仲宜

樊郎昔補太常掾郊祀通天致敬時先過果臝張鼓樂  
復從鹵簿建旌旗頒宣即用金書刻讀祝還令玉版持  
今日江南見樵者命渠歌作贈行詩

送謝子方歸臨川

連雨淋浪不耐秋江行已試木棉裘侍中無夢思通籍  
肘後有書能校讐身坐米船歌灌口眼明瀑布是江州  
到家先謁虞夫子定作芝亭一月留

次韻慶雲衲二首

數竿修竹便為鄰有力任春耒是貧世事空隨流水駛  
閒心自與白鷗馴更招遼海傳書鶴為問玄洲種玉人  
還有佳期同晚歲白雲相對豈無因

東來孤鶴下林梢，破屋蕭條不翦茅。  
洗玉地頭雲氣合，繡經臺上樹陰交。  
閒心詎遣神為馬，避世方慙祝代庖。  
忽寄新詩到玄圃，清歌須藉玉壺敲。

次韻范德原與倪元鎮城南倡酬之作

高士叩門方倚馬，先生與客正爭棋。  
也知溪上多佳集，亦到山中傳好詩。  
滿地綠陰敷坐處，隔林黃鳥把杯時。  
城南我欲相尋去，買下扁舟恐後期。

次韻范景逸立春日病中之作

金史曰... 卷十二  
歲暮西岑雪未晴范公祠下少人行探梅踏凍煩丹使  
扶病迎春問麩生石竈茯苓和雪煮雲根流水似冰清  
瓜田數畝春泥煖好課巖中子弟耕

八月十三日自鴻山歸吳舟中賦

扁舟風輕穩如馬容我領覽秋氣清橫塘水深白鳥下  
敲樹雨濕青苔生東曹掾史有高興太乙真人無俗情  
去缺吹簫喚孤鶴明月夜滿姑蘇城

送呂惟清歸耕蕪湖



蕪湖郭裏野田花  
曾見南朝舊將家  
九月荒茨飛社燕  
千年喬木噪寒鴉  
江山風雨殊今昔  
文武衣冠起歎嗟  
扶冊一作策歸舟一作耕有孫子寧辭辛苦答春華

次韻張田秀才見寄

樹杪青蟲晴颺絲  
春城風物似年時  
貧餘許邁餐金法  
樂一作開止一作有陶潛飲酒詩  
芳草青青連野澗  
征鴻歷歷渡江遲  
長洲故苑烟花外  
千里懷人入夢思

紅梅

九疑山中得道女春寒石上飲流霞不知道却玉條脫  
獨倚東風暮竹斜

寄學可二首

九龍之山第幾峯曾看飛雪下長松小樓日夜聽春雨  
忘却溪頭尋暮鐘

石上一杯清冷水傳是若冰小洞天借渠茗器登山去  
春雪正與梅爭妍

寄阿山

最憶鳳雛年十四臨池愛學漢中郎西齋舊種櫻桃樹  
今歲還應共汝長

次韻揚廉夫冶春口號八首

姑蘇城北桃花塢日日敲門去問春自是狂夫被花惱  
求之不得亦愁人

醉舞花前倒接羅雙雙燕子共差池留連只恐春光暮  
芳露濕衣人不知

石湖春水如酒濃玻璃萬頃開龍宮我時泛舟過湖曲

金  
卷十二  
無數桃花發舊叢

近得玄洲餐玉法不用采石登昆侖景純解道遊仙句  
海上鶴來傳到門

江城雪夜深一尺欲問梅花馬不前袁生此時正高卧  
不知春江有釣船

玉壺春酒碧于海客至縱飲寧傷廉已無俗事惱真趣  
只有清香散寶奩

綠暈雙蛾新畫眉風流堪賦比紅兒繡窗無人解春意

行傍辛夷折柳枝

吳姬殷勤折簡呼青錦坐褥花中敷  
聽唱梨園供奉曲  
新聲一串驪龍珠

游石湖治平寺用唐人許渾所題詩韻

湖上春雲挾雨來  
楞伽山木盡低摧  
吳王廢塚花如雪  
獨自吹香上舞臺

題雲林生遠山湧翠圖

偶因滌硯寫從容  
點染那能似畫工  
千載風流誰可擬

令人猛憶米南宮

元鎮所居地名蝸牛廬俗呼黃犢廬

衛闕

仁近

仁近字叔剛一字子剛華亭人好學績文書法學黃庭經自有一種風流醞藉俠才子氣至正間嘗游吳興守將候見之送餽米百斛既舉幕官並辭張太尉闕延賓館幣使聘焉亦謝免養高授書里中年四十七卒有敬聚齋詩彙子剛從楊鐵厓遊鐵厓謂其詩音節與象可追盛唐

常以才子目之其秋夜曲白苧詞九山讌集等  
篇極為一時所稱道

題陳履元畫玉山草堂圖

萬木陰陰覆草堂  
湘簾低下淨琴張  
逶迤萬里橋南路  
彷彿百花潭上莊  
白鳥向人飛箇箇  
好山當戶立蒼蒼  
披圖想見人清絕  
為寫新詩並晚涼

承玉山主人遺竹枝輒賦近體以寄

草堂只在玉山西  
未識風流顧愷之  
鴛冷繡衾春病酒

蠟銷銀燭夜敲棋每懷鳳鳥棲梧樹  
輒倚烏皮唱竹枝  
昨夜闌干明月上惱人  
簫管不勝吹

擬唐宮詞

九重春色繞金鑾  
渴宮壺午漏殘  
犀押簾垂紅霧暝  
獸爐香盡碧雲寒  
隔樓度曲多西子  
別院吹笙是內官  
見說羊車明日過  
旋栽楊柳護雕闌

奉寄楊鐵厓

白髮揚雄三泖上  
樓船日日載青娥  
驪珠泣月夜光冷



象管叫雲秋思多問字諸生頓載酒購書道士為籠鶯  
玄霜臺上涼如水好著吾儂拍手歌

送劉王事北上

曉漏沈沈禁籞清內班初進珮環鳴九重日月開金殿  
四海車書會玉京天子龍飛乾道正宰臣鵠立泰階平  
幾時我亦觀光去醉插宮花出鳳城

秋夜曲二首

誰家女兒青結螺花前雙歌舞婆娑湘簾在鈎明月多

奈此迢迢涼夜何

銀河流光夜初靜  
姮娥娟娟度鸞影  
綺疏美人醉方醒  
倚闌吹簫更漏永

彭闕 深

深字仲

一作宗

愈廣陵人無書不讀學通五經性

行純謹言笑侃侃陳敬初深敬事之來吳中授  
舉子業戶外之屨常滿江左碩儒也詩見玉山

雅集

送粹上人還天台養母讀書

逝川無停波浮雲時獨飛十年出家去早著遊子衣朝  
帆南海航暮采北山薇孰云方外樂倚門有遐思九九  
赤城山中有烏鳥慈娛嬉在昕昔况適靜者期朔風吹  
大江越樹淡寒暉顧瞻東歸屐夢繞玉溪湄

送丁好義

晨登吳王臺蒼然望八荒大江東南去浮雲西北翔中  
有鷓鴣飛前隨雙鳳凰梧桐正蒼翠亦待鳴朝陽白露

湛清秋山花已黃黃折之欲相贈歲晏同幽芳

寄沈鼎臣二首

中庭好花樹欲發遲良時春風一噓拂粲粲已盈枝青  
實未堪摘苦心良自知朝榮暮憔悴物理固其宜願將  
合歡草持以遺所思

宛陵大江左我家更在東憶子到縣時目寄孤飛鴻滄  
浪無釣艇海洋多颶風遊鱗向何處遠將消息通嚶嚶  
雙黃鸝躑躅芳樹中聽之有深意白日已匆匆

金粟影

開牕見明月團團弄清輝湛露下庭柯幽香發華滋手  
舉青玉案嘉與仙人期遨遊青雲中遺我最高枝茹芳  
嚙瓊液插花醉瑤池中有羣鳳鳴景星亦相隨高軒夜  
深坐秋影正歲蕤勿持廣寒斧為賦小山辭

芝山吟

徐君勉之番陽人芝山在番郡之陰世傳山常  
產芝郡人往往以科第顯勉之兩舉鄉進士得

山長慈湖人謂勉之若有不釋然者予故為道其所樂作芝山吟餞之

西山有靈芝我采茹其芳吐氣為卿雲絢爛紛天章紫  
微上卿不敢惜手扶氛埃看五色虎豹衛關深九重倏  
爍電光迷白黑歸來不是故山遙天風卷幔正飄飄化  
作慈溪泮林雨坐令嘉植長春苗碧澗泠泠煮芹藻恰  
似山中采芝好咀華滋味與人同梁肉朱門祇素飽闔  
閭城頭秋日涼停雲只隔錢塘江西山日夜生輝光山

中紫芝熒熒長更結飛霞高頡頏

巴陵女子行

一作韓  
節婦

巴陵郡西江水渾赤沙黃壤東南奔邇來湜湜已百載  
中有婉孌之忠魂當時郡有賈氏婦志節凜凜摩乾坤

家亡國破身執

一作  
繫

義不辱乃是韓魏國忠獻五世之

魯孫臨平湖開石封發五陵氣盡天房昏甲

一作  
鐵

馬三

百萬北來正噶噶

一作  
敦敦

連城破竹勢迎刃牽羊係頸投

冠解綬乞伏竄匿俱紛紛不意弱草

一作  
流

中見此松柏

根讀書不學

如一作

曹大家事夫却是

似一作

桓少君君臣

大義本與夫婦一慷慨萬古保貞操視生死

一作死生

朝夕

不啻富貴如浮雲恨不生為男橫戈赴三軍栖栖臨絕

音耿耿昭人文練裳縱橫四百字上陳祖宗創業有至

道下斥姦邪誤國偷生存吾詞既畢分已盡精衛何苦

猶銜冤想當捐佩入不測幽光上浮白日銜一作陰魄

直

一作下

塞珠宮門湘靈罷

一作鼓

瑟處妃泣馮夷長嘯羣

龍翻至今合頌

一作誦

其詩感其事令人浩氣填膺

一作曾



那可捫或者疑之不能成人善謂其見夢於人不若効

靈史氏為可敦烏乎時

一作嗚呼世

無歐陽公斷臂之婦終

無聞何以愧賈降表貞節薄俗那能譏免園我願然犀

取靈骨封以夏

夏一作

屋旌以石表雙高蹲奏之大廷布

天下激厲臣子皆忠淳可以扶

一作植

三綱正人倫謂予

有不信請視賈娥墳

怡雲軒歌為茂上人賦

怡雲軒前古松樹日日雲來滿幽戶怡雲野老對松眠

看雲自來還自去非烟非霧流光晶白衣蒼狗倏多形  
有時驟雨動靈怪恐是老龍來聽經飢食坐單行復息  
心與浮雲兩無迹鉢中水是天上泉窗隙罅非山下石  
青天漫漫積空寥磅礴雲間無遠遙乘之瞬息千萬里  
靈鷲峯頭雪未消我樂在雲雲我悅相從不似長相別  
雲歸巖洞我還山碧潭夜夜看孤月

張闕  
遜

遜字仲敏號溪雲其先南陽人寓居吳博學善

屬文精書畫初從黃冠與息齋李衍同畫墨竹  
一旦自以為不及即棄墨竹而用勾勒法妙絕  
當世郭義仲贈詩云好竹每懷張仲敏冷泠風  
骨水為神或云吳郡又有一張遜字以行非也  
按邑志盛或傳云日與楊維禎鄭東張遜秦約  
陸仁張恕仲天爵諸名士倡和而坊本或誤作  
張恕仲割裂可笑張恕字以行洪武初以才德  
徵入見試春山新水詩稱旨除北平盧龍知縣

其挽盛或詩序云盛公子與余世姻而契義最  
相得洪武甲寅遷家婁東而余亦宦游燕冀遂  
成契濶則知其為張恕之誤無疑也彼時安得  
有兩張遜耶姑辨出之以俟知者

題桃花溪

一作浣  
花館

種桃如種柳容易得成花千樹恐無地平原堪子家晚  
風迎窈窕春水繞汙邪久不通人問循溪步曲斜

無題四首

銀屏曲曲掩秋塵何處車聲五色麟  
飛燕曾為掌上舞  
崔徽不及卷中真  
蕙花清露紉成佩  
菱帶文波繡作茵  
獨倚疎桐無限思  
盡憑雞卜問江神

一夜冷風入翠幢  
夢魂長是遶湘江  
香螺脫屣烟生幄  
豈寇合胎蝶滿牕  
碧岫臺空雲雨斷  
絳河星動女牛雙  
牢愁得似秦城遠  
幾日重圍未肯降

杲恩涼月午陰移  
漠漠重簾怨阿嬌  
竹泣啼紅猶染淚  
藕分纖碧尚牽絲  
題封欲寄金條脫  
收子休彈玉局棋

惆悵章臺南畔柳何人折盡最長枝

新水流雲滿綠皋畫橋微步聽黃袍空傳解佩酬交甫  
只惜能詩似舊桃柳色障塵侵小扇荷簫含雨沁香醪  
蛾眉老去都陳迹懷古懷春漫自勞

留別李五峯

秋風曾過青蓮館南蕩誰傳白鴈書只擬馬遷為太史  
也知枚乘有安車客星當戶江清夜華月浮空雪霽初  
如此好懷舟莫發憑高醜酒鱸雙魚

懷貞居張先生

不見貞居張外史故園牢落已經年  
山中絕境如三島  
河上遺書著幾篇竹榻何曾延俗客  
瓊樓只合貯神仙  
扁舟有待秋風後重約湖陰日扣舷

題林屋佳城圖

黃家老子婁東客望望青山隔太湖  
獨鶴不歸林屋洞  
佳城渾似輞川圖秋高月白啼山鬼  
樹老霜寒長木奴  
他日結廬當墓下好歸耕隱學潛夫

聽雪齋分韻得花字

夜晏玉山家春風舞雪斜佳人歌白苧零亂落梅花

題挾彈圖

綠樹陰陰水滿堤春風立馬看黃鸝  
憑郎金彈莫輕發  
恐有慈烏來上栖

文闕質

質字學古一作甬東人隱居吳之婁江學行卓

然詞章奇放好為長吉體酒酣長歌聲若金石



嘗與揚鐵崖夜行有挑梅花燈者鐵崖命賦一  
詩立就為鐵崖所稱年九十六卒崑山志載學  
古與邑中耆儒盧觀趙天祐衛館盛德瑞文天  
與共六人有司月給廩以贍之元時待士之厚  
如此

月漉漉送瞿慧夫之棟川

月漉漉在婁水老蟾千年浸不死容花已萎春蕙芳弦  
望茫茫運天髓月漉漉在棟水桂影無煙玉如洗一天

清吹涼參差琉璃碧破飛魚起我家月明滄海曲漁歌  
不驚鷗夢熟脫巾醉卧竹葉舟白頭浪起高於屋送君  
行月漉漉

公無渡河

公無渡河河水瀾瀾腥風怪雨捲空來濁浪掀舟雪山  
起妾力挽公不我止公既渡之竟如是淚可竭情可滅  
河水東流何日歇

行路難

行路難歷九土猛虎當途狼在隄滿日莽蒼荆管深獵  
者誰為施弭弩行路難渡江河其中豈無蛟與鼉行舟  
往往看風色如山大波揚驚波水陸之險尚可平人心  
對面干戈橫浮雲變態在倏忽陰矢設毒無猜驚君不  
見史伯魚處世以直誠非愚西邊鵲噪東啼烏行路難  
堪嗟吁

折楊柳

折楊柳煩纖手金黃細縷牽春愁送客年年汴河口汴

水明楊柳青此時傷心無限情同心結就孤舟行折楊  
柳君知否有書莫寄雙鯉魚一度春風一回首

烏夜啼

烏夜啼江月皎皎流寒輝去年養子叢木底今年九子  
俱不歸夜夜啼聲慘悽網羅天地難高飛反哺之恩竟  
寂寞風巢冷落秋烟稀烏夜啼啼相思

城上烏

城上烏啼攬攬朝啼城南頭暮啼城北角昨日妻別夫

今日母憶兒烏啼烏啼心愈悲  
征人去兮歸不歸烏啼  
烏啼知為誰

送李公質之揚州

海風吹秋秋無痕  
秋風灑落秋無魂  
樓船萬斛戛明月  
怒濤駕空相吐吞  
隴西才人天上客  
古劍飛花溜新白  
腰纏十萬何足云  
載詩未許揚州鶴  
揚州瓊花天下無  
為我貫酒提胡盧  
醉來莫問江南侶  
豪氣逼人真丈夫

澹香亭

澹香亭前春可招雪花千樹開瑤瑤溶溶夜色照寒影

二月東風吹不消崑山

一作丘

仙人天上客爛醉花陰坐

瑤席仙姝采香雲滿衣酒醒但覺春無迹人生歡樂苦

不一作無

多百歲流光若

一作如

擲梭古來榮達已塵土對

此不飲將如何

### 白雲海歌

白雲深白雲深白雲深處元無心眼空瑤海一萬里山

光不動秋陰陰虛白英英

一作盈盈

啟扃牖袖拂天開落星

斗盡隨玉氣化為龍不逐西風變蒼狗道人高居白雲  
裏九重丹書徵不起三生石上話因緣春夢梨花隔秋  
水風塵眯一作目橫干戈龍吞虎噬奈爾何斷蛇神器  
未出匣海宇無復春光和世事紛紛為一作落絮百歲  
流光水東注白雲與我有深期我亦相依白雲住

虎丘燕集送

缺

之秣陵分賦吳王城

吳王城據東南雄夫椒一戰成厥功鑄鏤夜泣伍員死  
黃池之會城池空城池空越師襲宮前草露沾衣濕烟

花遺蝶黯離愁三江潮來若山立君不見城上萬碧如  
染兔穴狐蹤徧荒甸漁歌落日破湖烟鴟夷蕩舟迷湫  
澚前年送客閭門西楊柳青青官馬嘶今年送子出城  
去接天芳樹春迷迷霜臺故人俱豸首尺簡誰能問山  
藪簿書叢裏看崢嶸歸來共醉吳中酒

春草池綠波

池上新亭好憑闌引興長朝暉生草色天影落波光雨  
過鳧鷖亂春明杜若香為懷江謝趣清夢逸西堂



和九成韻寄玉山主人二首

我愛虎頭公子賢  
高懷歷歷寫長川  
酒樽花底分秋露  
茶竈竹間生白烟  
日落漁莊聽雨坐  
風微草閣看雲眠  
西涼進士曾留別  
應說相逢十日前

玉山之堂風日好  
高居共喜值清時  
紫簫度曲頗行酒  
彩扇分題那賦詩  
溪樹積陰疑雨過  
水花流影若雲移  
白頭有約漁莊上  
我亦歸休理釣絲

題林屋佳城圖

太湖湖上黃公墓畫得圖成慰所思  
林屋天寒龍起夜  
水晶宮白月來時  
山山暑雨黃梅熟  
樹樹風霜橘子垂  
遺訓不忘鄉井念  
望雲應廢蓼莪詩

題芙蓉畫屏二首

太液池頭月色涼  
夜深天上按霓裳  
西風吹醒游仙夢  
尚帶清秋玉露香

沈水烟消啟綠窗  
涼秋又見木蕖雙  
日斜睡起銀屏裏  
應是相思到曲江

題秋林才子圖次玉山韻

石嶺西來竹屋幽，蹇驢歸去晚山稠。  
溪頭霜葉似花落，天外白雲如水流。

題風雨歸舟圖

西風木落九江秋，黃鶴磯頭是舊游。  
憶得向年風雨裏，青山無數逐歸舟。

梅花燈

五出玲瓏四面分，一枝挑月照黃昏。  
歸來踏遍橫斜影。

吹落東風不見痕



元詩選三集卷十二